



40150

kat.komp.

Mag. St. Dr.

P


Teol. 3225

Papenhovner Jakob

Vadovis Martin Campii: Quaestio de  
visione Dei.




Biblioteka Jagiellońska



stdr0002949



# QVÆSTIO DE VISIONE DEI.

*M. IACOBO VSTIENSE S. FLO-  
RIANI CANONICO S. T. BACC.  
ad disputandum in Alma Acad: Crac:    
proposita.*

Præsidente:  
Admodum Rendo Domino,  
MARTINO CAMPIO VADOVIO  
S. Theol: Doct. publico Professore, eiusdemq;  
Facultatis Decano, ad S. FLORIANI  
PRÆPOSITO.

*Disputabuntur in Lectorio DD. Theologorum Men-  
sis Septembr. die 17. hora 12.*

CRACOVIAE,  
Apud Franciscum Casarium, Anno D. 1624.



# IN STEMMA



40150  
I 62

Si possint cælum pécudesq; fêræque mereri,  
 Iam pridem aurato dignus es Agne Polo.  
 Haud meliore tamen poteras consistere ouili  
 Quàm datus in tanti Præfulis excubias.  
 Cedite quas cælo defixit Græca bidentes  
 Fabula, nam terras dignior Agnus habet.




*Illustrissimo & Reuerendissimo  
Domino,*

D. ACHATIO

GROCHOWSKI DE GRO-  
CHOWCE DEI ET APOSTOLICÆ  
SEDIS GRATIA EPISCOPO PRÆ-  
MISLIENSI, Dño & PATR: AMPLISS.

*M. IACOBVS VSTIENSIS S. FLORIANI  
Canonicus, Humillima obsequia.*

 Isceptionem de cognitione, quâ bea-  
ta mentes Deum in patria intuentur,  
sub tuis Illustriss: Antistes auspiciis  
in theatrum Academicæ concertatio-  
nis produco. Credo non grauâtè pro  
tue naturæ benignitate feres, si Academicus sub alas  
tui patrociniij, quas ad uniuersam Academiam pro-  
tendis, sese recipiat, nec susceptum officium ad propa-  
gandum in S. Tb. profunditatibus profectum impro-  
babis. Postquam enim semel in gremium Tue beneuo-  
lentie Academiam Cracouiën. recepisti, non illius res  
accise, non honores Tuis virtutibus magnis debiti, non  
cuiusquam sinistra persuasio, Tuam in illa fouenda po-  
tuit



tuit expugnare constantiam. Illustria in Ecclesiam, in  
Sereniss: Regem D.D. nostrum Clementiss: ac Remp.  
merita, Te ad augustum Antistitum ac Regni Sena-  
torum ordinem prouexerunt, quid? cum gregi Christi  
Pastor vigilantissimus sollicitam, Sereniss: Regi Consi-  
liarius fidelissimam, Reipub. Senator salutarem nauas  
operam, fortassis de Academiæ Cracouië: salute curam  
iam ante bene Tibi familiarem à cogitatione excludis?  
Fecisset Numen Iagelonianæ immortalis propitium, S.  
Tutelares exorassent, ut ita loco atque illi, ne quid  
ferat aduersi, solitudine sis proximus. Cum enim  
*hæc* *de* *Polonia* *et* *Academia* *cum* *illa*  
perpetuum nexum antea reputares, ac mentis perspicua-  
cia, quam excellens natura indulgit, literæ expolierunt  
esses consecutus: fontem hunc Iagelonianum omnis li-  
teraturæ alueum, non intra se cohibere, sed in vniuer-  
sas Ecclesiæ ac Reipub: partes effundere, tecum rectè sta-  
tuens: quicquid Academiæ præstiteris in incrementum  
Poloniæ utilitatis, in argumentum contestandæ in D.  
Iagelonem pietatis cessurum: nil non fecisti, quod ad  
illius integritatem facere videretur, ac ab illo tempore,  
pro comperto iudicasti, (id quod plurimi viri graues  
censuerunt) hominem rebus Polonis minus beneuolū,

non



non posse esse *Academix eiusdem Regni scholæ amicū.*  
Et qui de hac non pro dignitate sentiat ac loquatur, D.  
Iagelonis in hoc regnum meritis non esse fauentem, ac  
generosæ Polonorum virtuti ac splendori non bene cō-  
sultum velle. Eius rei in proximo est testis eximia Tua  
in Episcopatu circumspectio, qua ut Pastor sollicitus, nō  
modò schismaticorum pertinaciam prudenter emollis,  
oues Tibi à Deo commissas ad illius antiquæ pietatis ac  
integre sanctimonix exemplar formas, sed etiam quod  
sit ad commune *Academix bonarumq; literarum in-*  
*crementum* Et ornamentum, id procuras studiosissime.

O quæ Te talem nobis hæc secula tulerunt!  
Taceo quanta sit fuitq; Tux voluntatis propensio in A-  
cademicos, quos ingenij excellentioris præstātia Et inde-  
fessa laboris *Academix primū, tandem Reip. fecit utiles*  
*contentio.* Et hi Et cæteri, qui intra eiusdem scholæ spa-  
cia liberali iuuentuti liberalem impendunt operam, à  
magnifica Tux in se gratiæ predicatione non cessant.  
Quare postquam *Academiā scholam Regni ita ada-*  
*masi,* ut eius operariorum diligentiam luce Tux gra-  
tiæ erigas atq; exhilares, Et ego ex numero illorū qualis  
qualis, in campū *Academix Palestre* ubi prodeō, aliter  
mibi de Tuo excelso animo polliceri non possum. Scio

A 3

teneri



teneri me officio huius ineundi certaminis, verum bene  
sustinendi & animose prosequendi maiori parte spem  
in Tua benedictione & auspicio me habere fateor. Ca-  
sar naue sua in magna fluctuatione periclitante, na-  
uarchi pallescentis & consternati apprehensa dextra  
fertur dixisse, quid times? perge, aude, neque extimesce  
quicquam. Casarem vectas, ac Caesaris fortunam na-  
uigationis comitem. Ita & mihi quoties contra asser-  
tiones has, sub tuis insignibus propositas, oppositarum  
scholarum propugnationes directæ, animum meum te-  
nuitatis conscium metu pulsabunt, ad hæc Tux prote-  
ctionis symbola erit respiciendum, & ab illis quasi Te  
presente relaxatio & exhilaratio est querenda. Deus  
Opt: Max: seruet te felicissimum ac longeuum ad Ec-  
clesie sue ornamentum, inclito huic Regno solatium,  
Reipublica literarie patrocinium. Ex Collegio Ma-  
iori, quarto Nonas Septembris.



# Q V Æ S T I O.

## DE VISIONE DEI.

Ex 1. p: Summæ Angelici Do-  
ctoris 12.

**V**trum intellectus beati in patria, lumine gloriæ ele-  
uatus, interueniente similitudine, simul feratur in Deum,  
& in omnia quæ Diuinæ naturæ amplitudine continentur  
necne?

### CONCLUSIO I.

Deum ab intellectu creato clarè videri certum est in  
fide.

### COROLLARIA.

1. Error est in fide asserere visionem beatorum ter-  
minari ad lucem ex Dei naturâ resultantem.
2. Clara Dei visio non est præter naturam intelle-  
ctus creati.
3. Dei essentiam videri ab intellectu puri hominis  
vitam hanc viuentis, ordinariè est impossibile.
4. Oculus corporeus nulla potentia ad videndum  
Deum potest eleuari.
5. Clara visio Diuinæ essentie, in puro viatore cau-  
sat à sensibus abstractionem.

ut Paulus ad eum CON-  
sensus ad 23.



## CONCLUSIO II.

Intellectum creatum ad Deum clarè videndum lumine supranaturali eleuari est necesse.

### COROLLARIA.

1. *Lumen supranaturale in intellectu beati, est per modum habitus.*

2. *Non potest Deus clarè videri sine lumine vel aliquo auxilio in intellectu beati illius loco recepto.*

3. *Falsum est Deum ex eo dumtaxat posse videri, quod se præsentè exhibeat intellectui in ratione obiecti.*

4. *Repugnat creaturam dari, cui lumen gloriæ sit naturale.*

5. *Inequalitas claræ visionis provenit, ex inequali participatione luminis.*

## CONCLUSIO III.

Clara Dei visio natura sua perficitur absque similitudinis concursu.

### COROLLARIA.

1. *Species Diuinæ essentiae impressa in intellectu beati Deum intuentis, etiam per Dei absolutam potentiam dari non potest.*



2. *Beati Deum intuentes, verbum nequaquam formant.*

3. *Visio beatifica perficitur unione Dei naturæ cum intellectu beati.*

4. *Visio dicta est maior unione materie cū formâ.*

5. *Visio beatifica omnem excludit cognitionis successione.*

#### CONCLUSIO IV.

Clara Dei visio est operatio vitalis supranaturalis una secundum speciem atomam.

#### COROLLARIA.

1. *Sola cognitio Dei seipsum cognoscentis visione beatorum est superior.*

2. *Ad claram Dei visionem nulla creatura vi naturali potest pertingere.*

3. *Visiones beatorum numero, ac secundum magis & minus differunt.*

4. *Visionis Dei augmentum maius quàm est, neque ex parte obiecti, neque ex parte luminis repugnat.*

5. *Temerarium est dictu, Dei increatam visionem Christi animæ & beatis communicari.*



## CONCLUSIO V.

Intellectus beati Deum intuendo, necessario fertur simul in omnia, quæ sunt formaliter in Dei essentia.

### COROLLARIA.

1. Per nullam potentiam esse potest, ut beatus Dei essentiam clarè videat sine personis.

2. Vnam personam sine alia impossibile est obijci intellectui Deum clarè intuenti.

3. Beatus fruendo Diuina essentia, non potest non frui personis.

4. Implicat Diuinam intueri essentiam non visis attributis quæ sunt formaliter in Deo.

5. Abstrahere conceptum Diuinæ essentie, à conceptu personarum, visioni claræ beatorum repugnat.

## CONCLUSIO VI.

Intellectus beati Deum intuendo, licet simul feratur in plurimos Dei effectus, non tamen in omnes quos Deus facit vel facere potest.

### COROLLARIA.

1. Quæ concernunt statum cuiusq. beati latere eundem nequeunt.



2. Beatus cernit in verbo omnia genera, species, dispositionem vniuersi & mysteria ad fidem spectantia.

3. Cogitationes neque nostræ, neque alterius beati, intellectui Deum intuenti patent.

4. Errori est proximum tenere, omnes effectus possibiles à beatis in verbo secundum quidditatem videri.

5. Nullus intellectus creaturæ Deum potest comprehendere.













